



Broj: 09/2-16-8-27694-9/23
Sarajevo, 24. 09. 2023. godine

Na osnovu člana 64. stav (1) tačka b.), člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14 i 59/22), te prijedloga Komisije za nabavke utvrđenih u Zapisnicima broj: JN1-16-8-27694-7/23 i JN1-16-8-27694-8/23 od 18.09.2023. godine, u postupku javne nabavke mrežne opreme za potrebe Ministarstva inostranih poslova BiH za oba LOT-a, donosim:

ODLUKU
o izboru najpovoljnijeg ponuđača

Ponuđač „TeleNet“ d.o.o. Sarajevo sa ponudama zaprimljenim kod ugovornog organa dana, 14.09.2023. godine pod brojem: 09/2-16-8-27694-3/23 i 09/2-16-8-27694-4/23, proglašava se najpovoljnijim, te se imenovanom ponuđaču dodjeljuje ugovor za nabavku mrežne opreme za potrebe Ministarstva inostranih poslova BiH za oba LOT-a, „Firewall“/sigurnosni „gateway“ uređaje – LOT -1 i Mrežni „switch“ – LOT – 2.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14 i 59/22).

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-16-8-27694-1/23 od 02.08.2023. godine, u kojoj je predviđeno da procijenjena vrijednost javne nabavke iznosi 40.000,00 KM bez PDV-a, od čega sa LOT 1 – iznosi 28.000,00 KM bez PDV-a, a za LOT – 2 iznosi 12.000,00 KM bez PDV-a.

Obavještenje o nabavci broj: 253-7-1-28-3-51/23, objavljeno je na Portalu javnih nabavki dana 04.09.2023. godine, kao i u „Službenom glasniku BiH“, broj: 62/23 od 08.09.2023. godine.

Javna nabavka je provedena putem konkurentskog zahtjeva za dostavljanje ponuda i istom je predviđeno provođenje e-aukcije.

Komisija je Zapisnicima o pregledu i ocijeni ponuda za izbor najpovoljnijeg ponuđača za nabavku mrežne opreme za potrebe Ministarstva inostranih poslova BiH, „Firewall“/sigurnosni „gateway“ uređaje – LOT -1, broj: JN1-16-8-27694-7/23 i Mrežni „switch“ – LOT – 2, broj: JN1-16-8-27694-8/23 oba od 18.09.2023. godine, konstatovala da su do roka prijema ponuda, 14.09.2023. godine, pristigle za oba LOT-a po jedna ponuda sljedećeg ponuđača:

1. „TeleNet“ d.o.o. Sarajevo, dana, 14.09.2023. godine u 09:15 časova, sa ukupnom cijenom ponude u iznosu od 31.800,60 KM, odnosno u iznosu od 27.180,00 KM bez PDV-a za LOT – 1
2. „TeleNet“ d.o.o. Sarajevo, dana, 14.09.2023. godine u 09:15 časova, sa ukupnom cijenom ponude u iznosu od 13.997,88 KM, odnosno u iznosu od 11.964,00 KM bez PDV-a za LOT- 2.

Nije bilo neblagovremeno pristiglih ponuda.

Analizom dokumentacije pristiglih ponuda, te suštinskom provjerom sadržaja i validnosti istih, Komisija je utvrdila da navedene ponude ispunjavaju formalno-pravne, ekonomske i tehničke uslove tenderske dokumentacije, te su iste prihvatljive i mogu biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Tačkom 2.5.1. tenderske dokumentacije propisani kriterij za dodjelu ugovora je bio „najniža cijena“.

Komisija je u skladu sa članom 5.4 tenderske dokumentacije, izvršila provjeru računске ispravnosti pristiglih ponuda i utvrdila da iste nisu imale računskih grešaka.

S obzirom da su pristigle samo po jedna prihvatljiva ponuda za oba LOT-a, Komisija je konstatovala da se u skladu sa članom 3. stav (3) Pravilnika o uslovima i načinu korištenja e-Aukcije („Službeni glasnik BiH“, broj: 66/16), e-aukcija nije mogla održati ni za jedan LOT, iako je bila propisana tačkom 2.6.1. tenderske dokumentacije.

Cijeneći navedeno, a u skladu sa članom 64. stav (1) tačka b) i članom 65. Zakona o javnim nabavkama BiH, Komisija je jednoglasno dala preporuke da se donese Odluka o izboru najpovoljnijeg ponuđača za nabavku mrežne opreme za potrebe Ministarstva inostranih poslova BiH za oba LOT-a, „Firewall“/sigurnosni „gateway“ uređaje – LOT -1 i Mrežni „switch“ – LOT – 2 ponuđaču „TeleNet“ d.o.o. Sarajevo sa ukupnim cijenom ponuda od 39.144,00 KM bez PDV-a (27.180,00 KM bez PDV-a za LOT - 1 i 11.964,00 KM bez PDV-a za LOT – 2).

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, najkasnije u roku od 5 (pet) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

MINISTAR

Elmedin Konaković

DOSTAVITI:

1. Ponuđaču,
2. Odsjeku za opšte poslove, arhiv i dokumentaciju i
3. Evidenciji a/a

